



26-11-2019

Broj: 06-1-07-1-412/19
Sarajevo, 19.11.2019. godine

Polpis ovlašten osobe 

Sarajevo, 16-12-2019

Na osnovu člana 2.9 stav (1) tačka 14, a u vezi člana 1.10 stav (1) tačka 3. i stav (2) i člana 13.10 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 11. i 15. Uputstva o dodjeli i prestanku mandata ("Službeni glasnik BiH", broj 37/14), te člana 22. i 25. stav (1) Statuta Grada Sarajeva („Službene novine Kantona Sarajevo“, broj: 34/08), u pravnoj stvari prestanka mandata Jurić Mire, vijećnice u Gradskom vijeću Grada Sarajeva, Centralna izborna komisija Bosne i Hercegovine je na 58. sjednici, održanoj dana 19.11.2019. godine, donijela

ODLUKU

o prestanku mandata i dodjeli mandata sljedećem kvalificiranom kandidatu

- (1) **Jurić Miri**, vijećnici u Gradskom vijeću Grada Sarajeva, izabranoj na Posrednim izborima 2016. godine sa kandidatske liste Grupe vijećnika: Gabela, Osmanović, Šandal, Jurić, utvrđuje se prestanak mandata sa danom smrti, 24.10.2019. godine.
- (2) Upraznjeni mandat iz člana (1) dispozitiva ove Odluke dodjeljuje se **Osmanović Nazifu**, sljedećem kandidatu sa kandidatske liste Grupe vijećnika: Gabela, Osmanović, Šandal, Jurić.

Obrazloženje

Gradsko vijeće Grada Sarajeva dostavilo je Centralnoj izornoj komisiji Bosne i Hercegovine, dana 01.11.2019. godine, obrazac za utvrđivanje prestanka mandata izabranom članu organa vlasti, propisno ispunjen i potpisan od strane predsjedavajućeg Gradskog vijeća Grada Sarajeva, za Jurić Miru, vijećnicu u Gradskom vijeću Grada Sarajeva, te Izvod iz matične knjige umrlih, broj: 02/05-13-40265/2019 od 31.10.2019. godine.

Uvidom u navedeni izvod utvrđeno je da je Jurić Mira preminula dana 24.10.2019. godine, te da joj prema odredbama člana 1.10 stav (1) tačka 3. Izbornog zakona Bosne i Hercegovine prestaje mandat prije isteka vremena na koje je izabrana.

Odredbama člana 1.10 stav (1) tačka 3. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom smrti.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

Članom 22. stav (3) Statuta Grada Sarajeva propisano je da će Bošnjacima, Hrvatima i Srbima, kao konstitutivnim narodima, pojedinačno bit će garantiran minimum od 20% mjesta u Gradskom vijeću, a grupi Ostalih najmanje 2 (dva) mjesta, bez obzira na izborne rezultate.

U vezi s navedenim, broj članova Gradskog vijeća Grada Sarajeva iz reda srpskog naroda, prestankom mandata vijećnice Jurić Mire, iznosi 6 članova, a što ne narušava garantirani minimum iz člana 22. Statuta Grada Sarajeva.

Nadalje, članom 25 stav (1) Statuta Grada Sarajeva određeno je da se zamjena za gradskog vijećnika kojem je prestao mandat prije isteka mandata gradskog vijećnika, vrši sa kandidatske liste općinskog vijeća na kojoj se nalazio vijećnik kome je mandat prestao.

S tim u vezi, a na osnovu člana 13.10 stav (2) Izbornog zakona Bosne i Hercegovine i člana 25 stav (1) Statuta Grada Sarajeva, mandat vijećnika u Gradskom vijeću Grada Sarajeva dodjeljuje se Osmanović Nazifu, kandidatu sa kandidatske liste Grupe vijećnika: Gabela, Osmanović, Šandal, Jurić, za Gradsko vijeće Grada Sarajeva.

U skladu sa svim navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 3. i stav (2) i člana 13.10 stav (2) Izbornog zakona Bosne i Hercegovine, člana 11. i člana 15. Uputstva o dodjeli i prestanku mandata i člana 25. stav (1) Statuta Grada Sarajeva, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.

Predsjednik

Branko Petrić



Dostavljeno:

- Osmanović Nazif,
- Gradsko vijeće Grada Sarajeva, nakon pravomoćnosti,
- a/a.